

# Penuntut USIM wakil negara di Siem Reap



**Nilai:** Seorang penuntut Universiti Sains Islam Malaysia (USIM) dipilih mewakili negara sebagai fasilitator dalam Forum Bella Warisan Dunia Peringkat Asia kali pertama yang berlangsung di Siem Reap, Kemboja.

Forum anjuran Pusat Warisan Dunia di bawah Pertubuhan Saintifik, Pendidikan dan Kebudayaan Bangsa-Bangsa Bersatu (UNESCO) itu berlangsung selama sembilan hari sejak 25 November lalu sehingga kelmarin.

Penolong Pendaftar Pusat Komunikasi Strategik (Stracomm) USIM Mohd Zaini Othman berkata, Muhammad Iqmal Hisham Kamaruddin, 24, sebelum ini pernah mewakili negara dalam 'World Heritage Youth Forum Qatar' pada 2014.

Menurutnya, pelajar Sar-



*MAHASISWA USIM bergambar bersama fasilitator Forum Bella Warisan Dunia Peringkat Asia di hadapan Angkor Wat.*

jana Ekonomi dan Pentadbiran Muamalat itu menjadi fasilitator bersama 20 wakil dari negara Asia-Pasifik termasuk Australia, Bangladesh, China, Filipina, India,

Indonesia dan Jepun.

"Muhammad Iqmal Hisham bersama Pusat Warisan Dunia mengendalikan peserta mengikuti aktiviti seperti syarahan pemeliharaan

dan pemuliharaan tapak warisan dunia, perbincangan peranan bella Asia terhadap tapak warisan dunia, malam kebudayaan Asia dan sesi simulasi persidangan perwa-

kilan warisan dunia.

"Selain itu, dia turut menyediakan resolusi bella Asia terhadap warisan dunia dan mengikuti lawatan ke Angkor yang menjadi tapak wa-

risan dunia di Asia," katanya dalam satu kenyataan di sini, semalam.

Katanya, forum itu diadakan bertujuan menyedarkan generasi bella kepentingan mereka sebagai pewaris tapak warisan dunia pada masa akan datang dan menggerak misi memelihara dan memulihara tapak warisan dunia.

Zaini berkata, cabaran semasa terhadap tapak warisan dunia di Asia seperti bencana alam, peperangan, pencurian khazanah, pencemaran serta pembangunan pesat menyebabkan kebanyakan tapak warisan dunia di Asia terdedah kepada penghakisan nilai luar biasa.

Selain itu, katanya, terdapat juga perkongsian mengenai pemeliharaan dan pemuliharaan oleh pihak berkuasa Angkor bagi menangani isu banjir, penanaman semula hutan serta penambahbaikan pengurusan pelancong untuk dijadikan sebagai panduan buat tapak warisan dunia yang lain.